



Phosphorvs sive Ioannes Baptista nativitas, vita, mors

Cabilliau, Baudouin

Lovany, 1642

Epigramma 47. Iordanis sacer è Christi baptismo fluuius.

[urn:nbn:de:hbz:466:1-70001](https://nbn-resolving.org/urn:nbn:de:hbz:466:1-70001)

Epigramma 46.

Votum Iordanis vt Christi ex oculis scaturiat.

I Or, & Dan gemino de fonte binominis vndat, (a)
 Ad Libani Phialam, quæ bibit inde niues,
 Ipse leui quamuis prati fecat herbida riuo,
 Inque virente narat picta per arua vitro.
 Christe tuis oculis fontem sibi quærit, & vnam;
 Ipse suo visus turbidus ire luto.
 Hoc oculo, hac Phialâ mallet Iordanis aquari,
 Quam Libano, gelidas vnde propinat aquas.
 Ambitio & fluuio est, his si manaret ocellis;
 Vitrea quæ fluxit, gemmea Nympha foret.

(a) *Ior & Dan gemelli fontes, vnde Iordanis nomen & amnis confluit in Phialam lacû sub ningido Libano, cuius è liquefactis niuibus aquas hic lacus haurit perennes. Vnde Iordanis vti Nilus, simili de causa, æstate redundat.*

Epigramma 47.

Iordanis sacer è Christi baptismo fluuius.

D Extera mortalis Iordanide perpluit vndâ
 Numen, & alba sacrum diluit vnda caput.
 Pura putas mundant formosum flumina IESVM?
 Mundantur: niueas consecrat Agnus aquas.
 Candida cælestes Naïs iam concipit auras.
 Vnde sacer sacras parturit amnis oues.
 Diues enim castis exundat gratia lymphis.
 Et iam fons alius fonte lauante fluit.
 Cor lauat vnus aquis, alter fons corporis artus.
 Dic mihi Iordanis duplus, an vnus eat?

Epigramma